

ქალაქ ამბროლაურის მუნიციპალიტეტი

გამარტივებული ელექტრონული ტენდერის საშუალებით ქალაქ ამბროლაურში
ასფალტირებული ქუჩების დახაზვისა და მარეგულირებელი ნიშნების მოწყობის
სამუშაოების შესყიდვის
(cpv 34922100)

ს ა ტ ე ნ დ ე რ ო დ ო კ უ მ ე ნ ტ ა ც ი ა

ს ა რ ჩ ე ვ ი

1. ტექნიკური დოკუმენტაცია
2. სახელმწიფო შესყიდვის შესახებ ხელშეკრულების პროექტი
3. რეკვიზიტები (დანართი #1)
4. ინფორმაცია გამოცდილების შესახებ (დანართი #2)
5. დამატებითი ინფორმაცია

ტექნიკური დოკუმენტაცია

პრეტენდენტმა უნდა წარმოადგინოს შემდეგი დოკუმენტები:

1. სისტემაში ასატვირთი სავალდებულო დოკუმენტაცია:

1.1 ფიზიკური პირებისათვის:

ა) პირადობის მოწმობის ან პასპორტის ასლი.

1.2 როგორც ფიზიკური, ასევე იურიდიული პირებისათვის:

ა) პრეტენდენტის რეკვიზიტები (დანართი #1)

ბ) ხარჯთაღრიცხვა (დანართი #2)

გ) ინფორმაცია გამოცდილების შესახებ – პრეტენდენტს შესრულებული უნდა ჰქონდეს ანალოგიური სამუშაოები. (დანართი #3)

(პრეტენდენტის მიერ ელექტრონულ სისტემაში ატვირთული სატენდერო დოკუმენტაცია უნდა იყოს ხელმოწერილი და ბეჭედადამული უფლებამოსილი პირის მიერ.)

2. ტენდერში გამოყენებული იქნება სატენდერო წინადადების (ღირებულების 1%-ის ოდენობით) უზრუნველყოფის საბანკო გარანტირების მექანიზმი.

3. მომწოდებელი ვალდებულია გაეცნოს და დაეთანხმოს აფიდავიტის პირობებს. რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წამოდგენამდე.

4. ანგარიშსწორების პირობები:

4.1 სატენდერო წინადადებაში სატენდერო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის ჩათვლით.

4.2 ანგარიშსწორება მოხდება უნაღდო ანგარიშსწორებით, ლარებში.

4.3 მიმდინარე ანგარიშსწორება მოხდება შესრულებული სამუშაოების მიხედვით, მომწოდებლის მიერ ფორმა №2, ფორმა №3-ის წარმოდგენის შემდეგ, 10 კალენდარული დღის განმავლობაში.

4.4 მიმდინარე ანგარიშსწორება განხორციელდება შესრულებული სამუშაოების შესაბამისად, მაგრამ არაუმეტეს სახელშეკრულებო ღირებულების 70%-ისა, ხოლო საბოლოო ანგარიშსწორება განხორციელდება საბოლოო მიღება-ჩაბარების აქტის წარმოდგენის შემდეგ, 10 დღის განმავლობაში.

4.5 შესყიდვაში გამოიყენება საავანსო ანგარიშსწორება, სახელშეკრულებო ღირებულების 30%-ის ოდენობით. ავანსის მოთხოვნის შემთხვევაში მიმწოდებელი ვალდებულია წარმოადგინოს საბანკო გარანტია მოთხოვნილ თანხაზე, საბანკო გარანტიის მოქმედების ვადა 20 დღით უნდა აღემატებოდეს შესყიდვის ობიექტის მოწოდების ვადას.

4.6 მიმდინარე ანგარიშსწორების დროს მოხდება ავანსის სრული დაკავება.

5. იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, მიმწოდებელმა უნდა დაასაბუთოს ფასწარმოქმნის ადეკვატურობა ან/და ამ ფასად ტენდერით გათვალისწინებული ვალდებულების შესრულების შესაძლებლობა საექსპერტო დასკვნით შემსყიდველი ორგანიზაციის მოთხოვნიდან 5 სამუშაო დღის განმავლობაში.

6. მიწოდების ვადა:

6. სამუშაოების დასრულების სავალდებულო ვადაა არაუგვიანეს 30 დღე ხელშეკრულების გაფორმებიდან.

7. სამუშაოების სავარაუდო ღირებულება განისაზღვრება არაუმეტეს 25280 (ოცდახუთი ათას ორას ოთხმოცი) ლარით.

ქ. ამბროლაურში საგზაო მონიშვნის სამუშაოების ტექნიკური დავალება

მიმდინარე პროექტით ხორციელდება ქ. ამბროლაურში (კოსტავას ქუჩა, ცენტრალური მოედანი, თამარ მეფისა და აღმაშენებლის ქუჩა, მახალდიანის ქუჩა, რუსთაველის ქუჩა, კობახიძის ქუჩა, მახალდიანის მოედანი და აღმაშენებლის ქუჩა) საგზაო მონიშვნის სამუშაოები (1.1; 1.5; 1.13 ტიპის; საგზაო მოიშვნა 1.14.1 ტიპი 11.5მ ქუჩის გადასასვლელი). ქალაქის სხვადასხვა ადგილზე მზღუდარის (მწოლიარე პოლიციელი ნგრძ.მ, ორივე თავის დაბოლოებით,მაჩვენებელი ნიშნით) მოწყობა.

საგზაო მონიშვნა უნდა მოხდეს თეთრი ნიტრო ემალის საღებავით, გაუმჯობესებული ღამის ხილვადობის შუქამრეკლი მინის ბურთულაკებით.

ზღუდარები (მწოლიარე პოლიციელები) უნდა იყოს 20 კმ/სთ-იანი შეზღუდვით.

ზღუდარებს (მწოლიარე პოლიციელებს) უნდა გააჩნდეს შუქამრეკლი ელემენტები.

ზღუდარები (მწოლიარე პოლიციელები) უნდა დამონტაჟდეს ორმხრივი მოძრაობის გზაზე.

ზღუდარები (მწოლიარე პოლიციელები) სადაც დამონტაჟდება უნდა მოეწყოს შესაბამისი გამაფრთხილებელი ნიშანი.

შესრულებული სამუშაოები უნდა შეესაბამებოდეს საქართველოში არსებულ სტანდარტებს.

დამატებითი ინფორმაცია:

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში წერილობითი მიმართვის შემთხვევაში ქ. ამბროლაური, თამარ მეფის ქ#1;

საკონტაქტო პირი: ხათუნა ონაშვილი. ტელეფონი 595 486184 (შესყიდვების განყოფილება)
გიორგი მაჩაიძე - 595 284570 (ტექნიკური განყოფილება)

ხელშეკრულება სახელმწიფო შესყიდვის შესახებ №

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში

წინამდებარე ხელშეკრულება დაიდო,

ერთის მხრივ ----- (შემდგომში „შემსყიდველი“)

(შემსყიდველის დასახელება და იურიდიული მისამართი)

და მეორეს მხრივ ----- (შემდგომში „მიმწოდებელი“)

(მიმწოდებლის დასახელება და იურიდიული მისამართი)

შორის და მიღწეულ იქნა ურთიერთშეთანხმება შემდეგზე:

შემსყიდველმა გამოაცხადა ტენდერი ----- სამშენებლო სამუშაოების შესყიდვაზე

(სამუშაოს მოკლე აღწერა)

და მიიღო მიმწოდებლისაგან სატენდერო წინადადება სამუშაოს შესრულებაზე შემდეგ თანხაზე:

----- (შემდგომში „ხელშეკრულების ფასი“).

(მიუთითეთ ხელშეკრულების თანხა ციფრებითა და სიტყვიერად)

1. ხელშეკრულების საგანი

1.1 ხელშეკრულების საგანს წარმოადგენს ----- სამუშაოების შესყიდვის (შემდგომში – “შესყიდვის ობიექტი” ან “სამუშაოები”).

2. ხელშეკრულების შესრულების კონტროლი

2.1. კონტროლს მიმწოდებლის მიერ ხელშეკრულებით გათვალისწინებული ვალდებულებების შესრულებასთან დაკავშირებით განახორციელებს შემსყიდველის მიერ საამისოდ უფლებამოსილი პირი ან პირები, რომლებიც ამოწმებენ ხელშეკრულების მიხედვით ნაკისრი ვალდებულებების შესრულებას, მათ შორის: გრაფიკის შესრულებას, სამუშაოების ფორმასა და ხარისხს, შესრულებული სამუშაოს შესაბამისობას პროექტთან, აგრეთვე საერთაშორისო და საქართველოში აღიარებულ სტანდარტებთან;

2.2. მიმწოდებელი ვალდებულია საკუთარი ხარჯებით უზრუნველყოს მის მიერ ხელშეკრულებით ნაკისრი ვალდებულებების შესრულების კონტროლის შედეგად გამოვლენილი ყველა დეფექტის ან ნაკლის აღმოფხვრა;

2.3. მიმწოდებლის მიერ გასაწევ, ან უკვე გაწეულ სამუშაოებზე კონტროლი ხორციელდება სისტემატიურად შემსყიდველის შეხედულებისამებრ;

2.4. შემსყიდველი მიმწოდებელთან ერთად აწარმოებს კონტროლს სამუშაოების მიმდინარეობაზე, თანახმად საქართველოში მოქმედი სამშენებლო ნორმების, სტანდარტების და წესებისა, რომელთა დარღვევის

შემთხვევაში შემსყიდველი უფლებამოსილია შეაჩეროს სამუშაოები და განახორციელოს ამ ხელშეკრულებითა და კანონმდებლობით გათვალისწინებული სანქციები;

2.5. შემსყიდველის მიერ საამისოდ შერჩეული პირი ან პირები ვალდებული არიან მიმწოდებელთან ერთად აწარმოონ სამუშაოების შესრულებაზე ხელშეკრულებით გათვალისწინებული ვადების მიმდინარეობის კონტროლი;

2.6. ხელშეკრულების ფარგლებში ანაზღაურებული იქნება მხოლოდ იმ სამუშაოების ღირებულება, რომლის მოცულობასა და ხარისხზე არსებობს შემსყიდველის მიერ საამისოდ უფლებამოსილი პირის ან პირების მიერ დადასტურებული აქტი.

3. სამუშაოს შესრულების პირობები

3.1. მიმწოდებელი ვალდებულია შეასრულოს სამუშაოები, ხელშეკრულებით გათვალისწინებულ ვადებში, შემსყიდველთან შეთანხმებული სამუშაო გრაფიკისა და ტექნიკური დავალების შესაბამისად, საქართველოში მოქმედი ყველა საჭირო ნორმების, სტანდარტებისა და წესების მოთხოვნების დაცვით;

3.2. მიმწოდებელი ვალდებულია სამუშაოთა შესრულებისას დაიცვას შრომის უსაფრთხოების ნორმები და პირობები;

3.3. მიმწოდებელი ვალდებულია სამუშაოთა შესრულებისას არ დააზიანოს შემსყიდველის ან კერძო საკუთრებაში არსებული ქონება. თუ შემსყიდველის მიერ საამისოდ შერჩეული პირის ან პირების მიერ გამოვლინდება მიმწოდებლის მიერ შემსყიდველის ან კერძო საკუთრებაში არსებული ქონების დაზიანების ფაქტი და შედგა შესაბამისი აქტი, მიმწოდებელი ვალდებულია სრულად აანაზღაუროს მიყენებული ზარალი. იმ შემთხვევაში, თუ შემსყიდველის მიერ ზიანის ანაზღაურების თაობაზე მიმწოდებლისთვის ოფიციალურად შეტყობინებიდან 20 დღის განმავლობაში მიმწოდებლის მიერ არ ანაზღაურდება ზარალი სრული ოდენობით, შემსყიდველი უფლებამოსილია, ზიანის ოდენობის ფარგლებში, მიმწოდებელს არ აუნაზღაუროს შესრულებული სამუშაოს ღირებულება;

3.4. მიმწოდებელი ვალდებულია ხელშეკრულებით გათვალისწინებული სამუშაოთა შესრულებისას იხელმძღვანელოს სატენდერო დოკუმენტაციის ტექნიკურ პირობებში აღნიშნული მოთხოვნებით;

3.5. შემსყიდველი ვალდებულია აუნაზღაუროს მიმწოდებელს შესრულებული სამუშაოების ღირებულება ხელშეკრულებით გათვალისწინებულ ვადაში და პირობებით;

3.6. ხელშეკრულების პირობების დარღვევის შემთხვევაში შემსყიდველის მიერ მიმწოდებლის წარმომადგენლის მონაწილეობით ფორმდება შესაბამისი აქტი, სადაც დეტალურად იქნება აღწერილი ხელშეკრულების შეუსრულებლობის მიზეზები, რის შემდგომაც შემსყიდველის მიერ შესაძლებელია გამოყენებული იქნეს ხელშეკრულების უზრუნველყოფის გარანტირების მექანიზმი. სამუშაოების უხარისხოდ შესრულების შემთხვევაში მიმწოდებელი ვალდებულია თავისი სახსრებით უზრუნველყოს წუნის აღმოფხვრა დაუყონებლივ. უხარისხოდ შესრულებული სამუშაოების დაფიქსირება ხდება შემსყიდველისა და მიმწოდებელს შორის კომისიური წესით შედგენილ აქტში, რის შემდეგაც მიმწოდებელი ჯარიმდება და არ უნაზღაურდება დეფექტებით შესრულებული სამუშაოთა ღირებულება.

იმ შემთხვევაში, თუ მიმწოდებლის მხრიდან შესრულებულ სამუშაოთა წარმოდგენილი მოცულობები, შემსყიდველის მიერ გადამოწმების შედეგად არ შეესაბამება რეალობას, შემსყიდველი სათანადო აქტის შედგენის შემდეგ არ უნაზღაურებს აღნიშნულ სამუშაოთა ღირებულებას;

3.7. შემსყიდველი უფლებამოსილია ვადამდე ცალმხრივად შეწყვიტოს ხელშეკრულების მოქმედება, თუ:

ა) მიმწოდებელი არღვევს ხელშეკრულების პირობებს (არ ასრულებს ან არაჯეროვნად ასრულებს),

3.8. მიმწოდებელი უფლებამოსილია ვადამდე ცალმხრივად შეწყვიტოს ხელშეკრულება, თუკი შემსყიდველი დაარღვევს ხელშეკრულებით ნაკისრ ვალდებულებებს, დოკუმენტალურად დასაბუთებული საფუძვლის

გარეშე არ მიიღებს შესრულებულ სამუშაოებს, სამუშაოების მიღებისას არ შეადგენს ამ ხელშეკრულების 3.6 პუნქტით გათვალისწინებულ აქტს, არ გადაიხდის შესრულებული სამუშაოების საფასურს ან/და ისე დაავგიანებს გადახდებს, რომ მიმწოდებელი დაკარგავს ინტერესს ხელშეკრულებისადმი.

3.9. იმ შემთხვევაში, თუ განსაზღვრული გარემოებების გამო, მიმწოდებლის მიერ შესრულებული სამუშაოების ღირებულებამ შეადგინა ამ ხელშეკრულებით გათვალისწინებული თანხაზე ნაკლები, შემსყიდველი აუნაზღაურებს მიმწოდებელს მის მიერ ფაქტობრივად შესრულებული სამუშაოს ღირებულებას ამ ხელშეკრულებით განსაზღვრული ერთეული ფასების შესაბამისად. აღნიშნულიდან გამომდინარე მიმწოდებელს პრეტენზია არ უნდა გააჩნდეს აუთვისებელ სამუშაოთა მოცულობების შესრულებაზე და მის გადახდაზე.

3.10 სამუშაოს შესრულების ვადა : 2015 წლის -----

4. შესყიდვის ობიექტის მიღება-ჩაბარების წესი

4.1. შესყიდვის ობიექტი (სამუშაო) ან მისი ნაწილი (ეტაპი) ჩაითვლება მიღებულად მხოლოდ სათანადო დოკუმენტაციის გაფორმების შემდეგ;

4.2. შესყიდვის ობიექტის (მისი ნაწილის, ეტაპის) მიღების ან/და საბოლოო შემოწმების შემდეგ გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი;

4.3 შემსყიდველი ვალდებულია ოპერატიულად, წერილობითი სახით, აცნობოს მიმწოდებელს შემოწმების შემდეგ დაწუნებული შესყიდვის ობიექტის წუნდების მიზეზების მითითებით;

5. ანგარიშსწორება

5.1 მიმწოდებელთან ანგარიშსწორება ხორციელდება უნაღდო ანგარიშსწორების ფორმით ეროვნულ ვალუტაში.

5.2 მიმდინარე ანგარიშსწორება განხორციელდება შესრულებული სამუშაოების მიხედვით, ფორმა №2 და ფორმა №3-ის, წარმოდგენის შემდეგ, 10 დღის განმავლობაში.

5.3 მიმდინარე ანგარიშსწორება განხორციელდება შესრულებული სამუშაოების შესაბამისად, მაგრამ არაუმეტეს სახელშეკრულებო ღირებულების 70%-ისა, ხოლო საბოლოო ანგარიშსწორება განხორციელდება საბოლოო მიღება-ჩაბარების აქტის წარმოდგენის შემდეგ, 10 დღის განმავლობაში.

5.4 შესყიდვაში გამოიყენება საავანსო ანგარიშსწორება, სახელშეკრულებო ღირებულების 30%-ის ოდენობით. ავანსის მოთხოვნის შემთხვევაში მიმწოდებელი ვალდებულია წარმოადგინოს საბანკო გარანტია მოთხოვნილ თანხაზე, საბანკო გარანტიის მოქმედების ვადა 20 დღით უნდა აღემატებოდეს შესყიდვის ობიექტის მოწოდების ვადას.

5.5 მიმდინარე ანგარიშსწორების დროს მოხდება ავანსის სრული დაკავება.

6. ფასები

6.1 მიმწოდებლის მიერ დაფიქსირებული შესასრულებელი სამუშაოს ფასი წარმოადგენს ხელშეკრულების ღირებულებით პარამეტრებს.

6.2 ხელშეკრულების ღირებულებითი პარამეტრების შეცვლა ხელშეკრულების მოქმედების მთელი პერიოდის განმავლობაში დაუშვებელია.

6.3 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

6.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

7. ხელშეკრულების პირობების შეუსრულებლობა

7.1. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შედეგად მიყენებული ზარალისათვის მხარეები ერთმანეთის წინაშე პასუხს აგებენ საქართველოს მოქმედი კანონმდებლობის შესაბამისად;

7.2. შემსყიდველი უფლებამოსილია ვადის გადაცილების შემთხვევაში დააკისროს მომწოდებელს პირგასამტეხლო ყოველ გადაგადაცილებულ დღეზე სახელშეკრულებო ღირებულების 0.1%-ის ოდენობით;

8. სადაო საკითხების გადაწყვეტა

8.1 მიმწოდებელსა და შემსყიდველს შორის ხელშეკრულების განხორციელების პროცესში მხარეთა შორის წარმოქმნილი სადაო საკითხების გადაწყვეტა მოხდება ურთიერთმოლაპარაკების გზით, ხოლო შეუთანხმებლობის შემთხვევაში სასამართლოს გზით, მოქმედი კანონმდებლობის შესაბამისად.

9. ხელშეკრულების შეწყვეტა.

9.1. შემსყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, მიმწოდებელის მიერ ხელშეკრულების პირობების შეუსრულებლობის შემთხვევაში;

9.2. შემსყიდველსა და მიმწოდებელს შორის ურთიერთშეთანხმების საფუძველზე, შემსყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;

9.3. შემსყიდველი ხელშეკრულების შეწყვეტის გადაწყვეტილების მიღებისას ვალდებულია შეატყობინოს მიმწოდებელს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მიმწოდებელს გადაწყვეტილების ძალაში შესვლამდე.

10. ხელშეკრულებაში ცვლილებების შეტანა

10.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

10.2 თუ რაიმე წინასწარ გათვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.

10.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად და ხელმოწერილი იქნება ორივე მხარის სრულუფლებიანი წარმომადგენლების მიერ.

11. დამატებითი პირობები

11.1. შემსყიდველს უფლება აქვს შეცვალოს ხელშეკრულების საგნით გათვალისწინებული სამუშაოთა მოცულობა, რამაც შეიძლება გამოიწვიოს ხელშეკრულების ღირებულების შეცვლა, რის თაობაზეც მიმწოდებელს არ ექნება პრეტენზია იმ შემთხვევაში თუკი შემსყიდველი აუნაზურებს მიმწოდებელს შეცვლილ ღირებულებას;

11.2. ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას;

11.3. მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია;

11.4. კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას;

11.5. წინამდებარე ხელშეკრულება შედგენილია ორ ეგზემპლარად ქართულ ენაზე, რომელთაგან თითოეულს გააჩნია თანაბარი იურიდიული ძალა და ინახება „შემსყიდველთან“ და „მიმწოდებელთან“;

შემსყიდველი

მიმწოდებელი

1. რეკვიზიტები:

პრეტენდენტის იურიდიული ფორმა და დასახელება;

ხელმძღვანელის სახელი და გვარი;

პრეტენდენტის იურიდიული ან/და ფაქტიური მისამართი;

საიდენტიფიკაციო კოდი;

პრეტენდენტის ტელეფონის ნომერი;

ელექტრონული მისამართი;

ბანკის დასახელება და კოდი;

ანგარიშის ნომერი;

(ხელმოწერა)

(თანამდებობა)

(პრეტენდენტის დასახელება)

ბ.ა

დანართი #3

ინფორმაცია გამოცდილების შესახებ

ობიექტის დასახელება	დამკვეთის დასახელება	ობიექტის ღირებულება (ლარი)	სამუშაოს მოცულობის აღწერა	სამუშაოს განხორციელების ვადები

(ხელმოწერა)

(თანამდებობა)

(პრეტენდენტის დასახელება)

ბ.ა